

Ujaasineq



... sammisaq toqqaruk

Attaveqarfissat



Kissarneqarluni noqartarnerit

NAPPAAT SUMIIPPA?

Timimi tamarmi.

NASSIUSSIGIT



PDF-ILIARIUK



EMBED



NAPPAAMMUT SUNA PISSUTAAVA?

Meeqqat ilaasa kissarneqartillutik noqartarnerannut suna pissutaanersoq ilisimaneqanngilaq. Meqqat inuuneranni ukiuni pingasuni-sisamani siullerni noqartarnek takussaanagerusarpoq.

NAPPAAT QANOQ MALUGISSAVIUK?

Kissarneqaleraanni amerlanertigut uulikulaartoqartarpoq. Tamanna nalinginnaalluinnarpoq. Noqartarnerli allaavoq. Taanna aallartittarpoq meeqqap ilimajunnaarneratigut. Tamatuma kingorna meqqap talii niuilu sakkortoqisumik qisuariaqattaartarput, niaqualu tunummut sanimullu qissakartarluni. Meeqqap isai "qilammut" aarlortarput. Amia asinngartarpoq immaqalu tungujortilluni. Noqarnek minutsialuit ingerlareeraangata qaangiuttarpoq. Qisuariarnerit annikillartussapput, meeraq nukillaangalissaaq taattorissillunilu kiisalu ilisimmaqqilluni.

NAPPAAT QANOQ KATSORSARNEQASSAVA?

Kissarneqarluni noqartarnek qaangiuttarpoq, ataasiaannarlunilu noqarsimaneq katsorsaatissinneqarneq ajorpoq. Meeraq aappasaanik noqarpat angajoqqaat nakorsaammik (Stesolid) angerlaatassaminnik tunineqassapput. Meeraq noqaqqippat nakorsaattunniunneqassaaq. Meeraq kissarneqarnerit tamaasa noqartaannarpat nillaallatsinneqarnissaa pingaaruteqarpoq, tassa meeraq atisaajarlugu tungiinnarmillu qipeqartillugu, kiisalu nillartaartunik imigassittarlugu. Ilaannikkut angajoqqaat qinnuigineqartarput meeraq 38,5 gradinik

kissarneqartillugu nakorsaammik (manguttagaq*)
noqarnaveersaammik tuneqqullugu.

NAMMINEQ QANOQ ILIORSINNAAVIT?

Qitornat kissarneqarluni noqarpat eqqissillutit tigussavat. Takusaq nuanninngilaq, meeqqalli inuunera peqqissusaalu pillugit ernumassuteqarnissamut pissutissaqanngilaq. Eqqissillutit meeraq peqqinnissaqarfimmukaaguk, pisoq pillugu oqaloqatiginnigit tullianilu noqarnissaanut immaqa nakorsaammik pillutit.

NUTAARSIASSAQ

19. septembarip 2020

Tikereernermit ullut tallimat
qaangiunneranni
misissortinnissamut periarfissaq
pillugu sapaammi septembarip
ulluisa 20-anni
paasissutissiisoqarnissaa
naatsorsuutigineqassaaq

Nunatsinni Nakorsaanerqarfiup Naalakkersuisullu tusagassiorfinnut nalunaarutaanni tallimangornermi septembarip ulluisa 18-ianneersumi, inunnik pingasunngornermi septembarip ulluisa 16-ianniit nunatsinnut tikittunik misissuinermit tunngasumi ilisimatitsissutaasutut, ullut tallimassaanni misissortinnissaq ataasinngornermi septembarip ulluisa 21-anniit periarfissanngussaaq.

NUTAARSIASSAQ

20. septembarip 2020

Ullut tallimassaanni
misissortinnissannut
illoqarfigisanni peqqinnissaqarfik
saffigiuk

Nakorsaaneqarfiup 18. septembarimi innersuusutigisimasaa malillugu ullut tallimassaanni misissortinniaruit illoqarfigisanni peqqinnissaqarfik Napparsimmavilluunniit ulluinnarni nal. 8-16 saaffigineqarsinnaavoq.





PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT